



Մ Ա Յ Ր Ա Թ Ո Ռ Ո Ւ Մ

Փետրվարի 7-ին, ուրբաթ.—Այսօր, երեկոյան ժամը 6-ին, Վեհափառ Հայրապետի նախագահությամբ գումարվում է Գերագույն հոգևոր խորհրդի նիստ, ուր նրա առաջարկով արձանագրվում է, իր անմիջական հրահանգով արձակելու ներքո, «Արտաքին հարաբերությունների բաժին»-ի կազմումը: Բաժնի վաղապալյանը և ընդհանուր քարտուղար՝ հոգեվոր ճեմարանի դասախոս Պ. Շահբազյանը:

Գերագույն հոգևոր խորհրդի նիստում գումարվում է արձանագրվում է Վեհափառ Հայրապետի սույն որոշումը: Հաստատում է նաև «Արտաքին հարաբերությունների բաժին»-ի գործունեության ծրագիրը:

Գերագույն հոգևոր խորհուրդը իր սույն նիստում հաստատում է Կոմիտաս վարդապետի ծննդյան 100-ամյակը նշելու համար Մայր Աթոռում կենտրոնական հանձնաժողովի հետևյալ կազմը՝

Պրոֆ. Առաֆե Առաֆեյան.

Ս. Կոմիտաս եպս. Տեր-Ստեփանյան.

Սարգիս Մելիքսեթյան.

Գերագույն հոգևոր խորհրդի անդամներ.

Ս. Նաբեկ վրդ. Շախբազյան (միաբան Մայր Աթոռի).

Արթուր Հատիտյան (խմբագիր «Էջմիածին» ամսագրի).

Սամվել Անթոնյան (դասախոս հոգևոր ճեմարանի):

Գերագույն հոգևոր խորհուրդը հանձնաժողովի վրա պարտականություն է դնում՝ կազմել և հաջորդ ժողովին ներկայացնել Կոմիտաս վարդապետի ծննդյան 100-ամյակի առթիվ կազմակերպվելիք հանդիսությունների ծրագիրը:

Վեհափառ Հայրապետը արդեն գրել է իր հունվար 22 թվակիր կոնդակը՝ նվիրված Կոմիտաս վարդապետի ծննդյան 100-ամյակին, որի գեղարվեստական ձևավորումը կատարել է հայտնի նկարիչ, ակադեմիկոս Գր. Խանջյանը: Հայրապետական կոնդակը

տպագրվել է ամսագրի սույն համարի առաջին էջում:

Սույն կոնդակից տպագրվել է նաև 600 օրինակ, կավճապատ թղթի վրա, գեղարվեստական գեղեցիկ ձևավորումով և ուղարկվել է նվիրապետական Աթոռներին, թեմերին, ազգային-եկեղեցական մարմիններին, հայ մամուլին:

1969 թ. հոկտեմբերի 12-ին, Ս. Թարգմանչաց վարդապետների օրը, Մայր Աթոռում նշվելու է անմահ Կոմիտասի ծննդյան 100-ամյակը:

*
*

Փետրվարի 8-ին, շաբաթ.—Երեկոյան ժամը 6-ին Վեհարանի շքեղ հանդիսասրահում, Վեհափառ Հայրապետի բարձր նախագահությամբ, տեղի է ունենում գրական-գեղարվեստական երեկո՝ նվիրված տաղանդավոր բանաստեղծուհի Սիլվա Կապուտիկյանի ծննդյան 50-ամյակին:

Հանդիսությունը բացում է հոգևոր ճեմարանի տեսուչ տ. Ներսես Ժ. վրդ. Պոզապալյանը:

Հոգևոր ճեմարանի Ա լսարանի մի խումբ սաներ արտասանում են Սիլվա Կապուտիկյանի բանաստեղծություններից:

Հոբելյարի կյանքի և գրական գործունեության մասին բովանդակալից ղեկուցումով հանդես է գալիս հոգևոր ճեմարանի դասախոս Գր. Գյուլյանը:

Հանդեսի վերջում, մեծարման այս երեկոյի առթիվ, Վեհափառ Հայրապետին շնորհակալության և երախտագիտության ջերմ խոսք է ասում հոբելյար-բանաստեղծուհին և վերջում արտասանում իր բանաստեղծություններից:

Հանդիսության գեղարվեստական բաժնին իրենց մասնակցությունն են բերում Գ լսարանի ուսանող Հակոբ, Հովհաննես, Արարատ և Բ լսարանի ուսանող Վարդան սարկավազները:

Փետրվարի 9-ին, կիրակի.—Մայր տաճարում պատարագում է արժ. տ. Հովհաննես քհն. Մարությանը:

Ս. պատարագին ներկա է լինում Վեհափառ Հայրապետը:

Փետրվարի 13-ին, հինգշաբթի.—Այսօր Մայր Աթոռ վերադարձավ՝ Երևանի 4-րդ բուժ. միավորման հիվանդանոցում երիկամային հաջող գործողության ենթարկվելուց հետո, Մայր Աթոռի լուսարարապետ տ. Հայկազուն արքեպ. Աբրահամյանը:

Փետրվարի 14-ին, ուրբաթ.—Տեառներնդ առաջ.

Մայր տաճարում պատարագում է հոգ. տ. Օշին վրդ. Նիկողյանը և քարոզում՝ «Մարմնացեալդ ի կուտէն» բնաբանով:

Ս. պատարագին ներկա է լինում Վեհափառ Հայրապետը:

Փետրվարի 16-ին, կիրակի.—Բուն Բարեկենդան.

Մեծ պահոց առաջին կիրակին է: Մայր տաճարում, փակ խորանի ետև, պատարագում է արժ. տ. Հակոբ քհն. Հակոբյանը: «Հայր մեր»-ից առաջ քարոզում է տ. Ներսես ժ. վրդ. Պողապալյանը՝ «Խօստովան եղերուք Տեառն» բնաբանով:

Փետրվարի 17-ին, երկուշաբթի.—Ժամը 1-ին հոգևոր ճեմարանում տեղի է ունենում մանկավարժական ժողով, որին մասնակցում են բոլոր դասախոսներն ու ուսանողները:

Տեսուչ տ. Ներսես ժ. վրդ. Պողապալյանը խոսում է կիսամյա քննությունների արդյունքների մասին՝ հայտնելով իր գոհունակությունը ձեռք բերված ուսումնական հառաջադիմության համար: Ելույթ են ունենում նաև դասախոսներից ոմանք և նշում հոգևոր ճեմարանի ուսումնա-դաստիարակչական աշ-

խանաքները է՛լ ավելի արդյունավետ դարձնելու միջոցառումները:

Փետրվարի 19-ին, չորեքշաբթի.—Այսօր, առավոտյան ժամը 8-ին, Մայր տաճարում կատարվում է հանդիսավոր Արևագալի ժամերգություն՝ նախագահությամբ Ամենայն Հայոց Հայրապետի: Ժամերգությանը ներկա են լինում հոգևոր ճեմարանի դասախոսական կազմը, Մայր Աթոռի աշխատավորությունը և պաշտոնեությունը:

Փետրվարի 20-ին, հինգշաբթի.—Մայր Աթոռում մեկ ամիս ուխտավորաբար մնալուց հետո, կրկին իր պաշտոնատեղին է մեկնում հոգ. տ. Օշին վրդ. Նիկողյանը:

Փետրվարի 21-ին, ուրբաթ.—Այսօր, հավարտ երեկոյան խաղաղական ժամերգության, Մայր տաճարում կատարվում է հանդիսավոր հանգստյան ժամերգություն, որին ներկա են լինում բազմաթիվ հավատացյալներ:

Նույն օրը, երեկոյան ժամը 6-ին, ուսանողների համար հոգևոր ճեմարանի հանդիսարանում դպրոցական առողջապահության հարցի շուրջ շահեկան դասախոսություն է կարդում բժիշկ Ս. Տեր-Ստեփանյանը:

Փետրվարի 22-ին, շաբաթ.—Այսօր, երեկոյան ժամը 8-ին, հոգևոր ճեմարանի տեսչի ղեկավարությամբ ուսանողները լինում են Վեհարանում, ուր Ն. Ս. Օծությունը նրանց գեղեցիկ և բովանդակալից հորդորական է խոսում՝ Մեծ պահքի հոգևոր և բարոյական նշանակության մասին:

Փետրվարի 27-ին, հինգշաբթի.—Երեկոյան ժամը 6-ին Վեհարանում, Վեհափառ Հայրապետի բարձր նախագահության ներքո, գումարվում է Գերագույն հոգևոր խորհրդի հերթական նիստը: